

PRERITKIN SONOT PATRAS AR SONTU PAULUS

BOCHOR REAK 13AK ATHWAR

Onor

Kristre adi manotan dularia Go-Baba, boeha-miserako- jotoko Jisu maran

Tehen do, Girja Gogo do Sonot Paulus ar Sonot Patrasak porob bon manaoet kana. Nukin do, Girjaren barea khunthi kanakin. Unkin do banarge, beret ruarakan Probhu Jisu hotetekin bachaolena. Banarge, Jisu Kristak dular khathirte, akinak jionkin emkeda.

Sonot Patras do mitthen sadharon haku sasap hore tathakana ar Probhu Jisu do Uni cetan rege, Girja doe baisaukeda. Sonot Paulus do mit oktere, maran santao hore tathakana menkhan Probhu Jisu unigeye bachao keda jemon gotha dhathire Bhage Sombate porcar. Banarge Probhu Jisu lagit akinak jionkin emkeda.

Tehen unkinak porob dinre, Isor thenbon koema jemon unkin leka rikir monte, Bhage Sombat bon jahir.

Pahil Pat

Preritkoak Kami puthi khon tehenak pahil pat

Prerit. 12:1-11

Ona jokhec' Herod raj do santaoko lagit' mandarren adom horokoe sap' aguket'koa. [2] Uni do Johanren boeha Jakob tarwareteye khun ocokeda. [3] Onate Jihudikoko kusiakana menteye nelket' khan uni do Patras ho sabe lagit'e calaoena. Noa ghotna do bin khamiyanak' pitha porob jokhec' hoylea. [4] Uni do Patras sap'kate hajotreye bhoraokeda. Ar popon horokate pari parite horhoye lagit' paltonkoe bharat'koa. Herod doe gotakeda, bancaok' porob tayom bicare lagit' Patras do horoko samanreye odok aguiyea. [5] Onatege Patras do hajotreye doho ocok'kan tahakana. Menkhan mandarren horoko do uni lagit' Isor then mit' monteko koejonkan tahakana. [6] Oka hilok' Herod do Patras bicare lagit'e odok aguiye ona laha ninda Patras do barea palton talareye japit' akat' tahakana. Uni do barea sikriteko tolakade tahakana ar pahradarko do duarreko pahran tahakana. [7] Unre Probhu Isorren mit'ten godet do ackage hec'kate ondeye tehgoyena. Onate hajot orak' reak' ona kandhare marsal bamberena. Serma godet do Patras kokhare cetak'kedeteye ebhenkeda are metadea, "Usara beret' hodok'me." Ar inatege Patrasak' banar ti khon sikri do nurgot'ena. [8] Unre serma godet do Patrase metadea, "Ma pathe ketekok'me, ar jagare panahi horogme." Khan Patras doe onkakeda. Ar serma godet do uniye metadea, "Amak' oyonak'te oyok'me, ar panjame." [9] Patras do uni tayom tayomte hajot orak' khon bahretete odok hec'ena, menkhan bae bujhau dareada, serma godet hotete hoyok' kanak' do sarikana mente. Uni doe hudiskeda dorsone nelkane. [10] Unkin do pahil ar dosar pahradarko kin paromket'ko khan nagrahate bolok' merhet' silpin duar thenkin seterena. Ar silpin do ac'tege jhic'ena ar unkin do ona talatekin odok hec'ena. Ado mit'tec' hortekin calak'kan tahekanre serma godet do ackage Patrase baji otowadea. [11] Unre Patras do disa acurenteye menkeda, "Nitok' do sarigen bujhau dareak' kana, Probhu Isorge ac'ren godete kolkedete Herodak' ti ar Jihudikoak' sanam bharic' phorphundi khone bancao akadiya."

Noage Probhuak katha do.

Serení Ruarók Orhě

Coran: Probhuren gođet do,

Uni botoraekean hoře rukhiayetkoa.

1. Sanam oktere Probhuń gun manao joharaea,

Uniać sarhao jaoge inák luřire tahena,

Probhure inák jiaıye sarhaoka

Maħirko do noa anjomtekeo rařaka.

2. In tuluc Probhu maħimaęaepe,

Mit jomokte Uniać nutumbon sabasiaktaema,

Probhuń rakadea, ar Uni doe rořruaradińa,

Inák sanam botorko khone rukhiakedińa.

3. Uni beńgetaepe arpe kharsalaka,

Apeak meřťahã baře alo lajaoktapema

Uni nacarić doe rakkedo, Probhu doe anjomkettaea

Ar uniać sanam gařko khone bańcaokedea.

4. Probhuren gođet do, Uniko botoraekeanko

Rukhiako lařit onko beřhaeteye đerakkana

Cakha aıkaupe ar nelpe, Probhu doe bhagegea mente,

Unireye hirlakkan hoř doe bhagegea.

Dosar Pař

Timothiko řhen bhoranić Perit Paulusak dosar ciřhi khonak Dosar Pař 2Tim 4:5-6, 17-18

Menkhan am do sanamak're sambrao akae takenme, duk sahaome ar Maři reań bhage sombat porcarme, ar Isor okako kařiye emakat'me ona puraume. [6] Ente in do nit hoń cođor ocok' kana; ar inak' gujuk' okte do seřer akana.

Menkhan Probhu Isor do in saoteye tahėkana ar đareye dan adiń tahėkana. Onate in do purate bhage sombatin porcar đareak' tahėkana ar sanam bońgan hoř řatrenkoko anjomleda. Isor do đacri kulak' moca khone rukhialedińa. [18] Probhu Isor do sanam bařic'ak' kaři khone rukhiyařińa ar ac'ak' serma řajreye idi seřerińa. Uniyak'ge řhonok hoyok'taema jug cetan jug. Amen.

Noage Probhuak Katha do.

Sarhao Aṛań

Alleluia!

Am dom Patras kana, ar In do noa ɕaṭaniceṭanre inák Girjań benaoa.

Ar norok reak phatokko, ona birudre tis hõ oho soroslana.

Alleluia!

BHAGE SOMBAT

Sonot Maṭie olakaṭ leka Bhage Sombat

Maṭi 16:13-19

Jisu do Kaisariā Philipi reak' elakateye hec'enre ac'ren celakoe kuliket'koa, "Hoṛko do Manwa Hopon okoe kanae menteko meneda?" [14] Onkoko menkeda, "Adomko doko meneda am dom Johan baḃaptisic' kana; ar adomko doko meneda Eliā kanam; arhõ adomko doko meneda Jirimia; ar bańkhan naḃiko modren mit' hoṛ." [15] Unre Jisui metat'koa, "Menkhan ape do okoe kaṇań mentepe meneda?" [16] Simon Patrased roṛ ruarḃkeda, "Am do Maṣi, jiwet' Isorren Hopon kanam." [17] Jisui roṛ ruarḃadea, "Jona hopon Simon, am dom bḃagangea, ente okoe manwa hõ am then noa do bae sodor akada; menkhan inren sernaren Babageye sodor akat'mea. [18] Inin metam kana, am dom Patras kana, ar noa dhiri cetanrege inák' mandereń benao rakaba. Norok reak' oka daṛege onare bae jitaṭ daṛeak'a. [19] In do serma raj reak' kaṭhikoń emama, ar jãhãnak'ge dhartirem tol ona do sernare hõ tolge tahena ar jãhãnak'ge dhartirem raṛae ona do sernare hõ raṛage tahena."

Noage Probhuak Jisuk Bhage Sombat do.

Dhorom Galmarao

Kristre aḃi manotan ḃularia Go-Baba, boeha-miserako- jotoko Jisu marań

Tehen, abo do Sonot Patras ar Sonot Paulusak porob bon manaoetkana. Unkin do, Girjaren marań ayurkin kinn taḃekana. Unkin hotetege, Girja do laṭuaḃkana ar disom-disomre pasnaoakana. Aboak Girja do nukinak khuntire tarhaoakana. Dela, tehenak Bhage Sombat bon larḃarma:

1. PAṬIAU DO JISU SÃO NÁPAM HOTETE JANAMOĶKANA

"Menkhan ape do okoe kaṇań mentepe meneda?" (Mt 16:15).

Jisuk kukli, "Menkhan ape do okoe kaṇań mentepe meneda?" do mitten budhi reak kukli do bań kana menkhan nia do mit-mit hoṛak paṭiau ańgoḃ reak katha kana. Jisu do gadel hoṛko kuli baṛaekate, mit-mit hoṛ khon jobabe khojkana. Abo sanamko do aema hoṛ khonge, Jisu babot do aema kathako bon badaeakada menkhan Probhu Jisu aboak moca khon, aboak paṭiau reak jion khon, aboak Uniak atkar jion khon jobabe khoj kana. Etaḃ hoṛ khon badae nam akan budhiko do bań menkhan aboak-niak paṭiau jion khon jobab name menjońkana. Etaḃ hoṛ do aema lekan budhiko emabona menkhan abo ceṭ leka bon atkar namakadea, onage asol jobab do! Abo hõ, Sonot Patrak leka joto khon juda jobab em jarur tabona, etaḃ hoṛak jobab lai ruar do bań jarura. Sonot Patrased jobab do sahos reak jobab kana, uniak jobab do saṛi paṭiau reak jobab kana, "Am do Maṣi, jiwet' Isorren Hopon kanam." Uni leka jobab em laḃit do, Jisu saṛi jionre atkar jarurḃea. Uni atkar begor do, eken budhi ar gyan reak jobab kana.

2. SARI PAȚIAU DO-ISORAK DAN KANA

Jisui roṭ ruṭadea, “Jona hopon Simon, am dom bḥagangea, ente okoe manwa hō am ṭhen noa do bae sodor akada; menkhan ínren sernaren Babageye sodor akat’mea (Mt 16:17).

Sonot Patrasak jobab do budhi reak kḥmi do bań kana. Uniak jobab do sadharon budhi khon do bań heclena, manwawak hudis khon do bań heclena menkhan Isor khon sodor kathage tḥhḥkana. Paṭiau do eken budhi reak katha do bań kana menkhan jion bodol reak katha kana. Paṭiau do eken baḍaejon katha do bań kana menkhan mon aḥur reak katha kana. Paṭiau do eken manwakoak hudis khon janam katha do bań kana menkhan Isor khon sodor kathako kana.

3. ISOR DO NIJOR PRERITRE AČAK GIRJAE BENAODA

Ínín metam kana, am dom Patras kana, ar noa dhiri cetanrege ínák’ mandereń benao rakaba. Norok reak’ oka ḍarege onare bae jitau ḍareak’a (Mt 16:18).

Sonot Patras do aturen sadharon keotae tḥhḥkana ar Probhu Jisu do, uni cetanre Ačak Girjae baṣaueṭkana. Uni do joto lekate perec-puron do bae tḥhḥkana menkhan uni do Isorak Katha añjom ar paṭiaure lahak laḡit sapraogeye tḥhḥkana. Uni do Jisu pe dhaoe bań kedeā enhō Jisu unigeye bachaokedea.

Sonot Paulus, okoe do Jisu pańja hoṭko santao hoṭe tḥhḥkan, uni do Jisu hoteteye bachao ocoḥlana. Uni do Jisuak arańe añjomkeda ar Uniak Bhage Sombate porcar keda. Uni do Jisuren Prerite lekhaena. Uni hō, lekman hoṭ do bae tḥhḥkana enrehō, Probhu do Uni lekmane lekha kedeā. Jisu do, nukin nijor kin bachao kate, dhṛti reak ańe bodolkeda ar Ačak kḥmi laḡite sapraokeṭkina.

4. GIRJA DO JIWET MENAK PAȚIAURE BAISAUAKANA

“Ín do serma raj reak’ kaṭhikoń emama, ar jḥḥnak’ge dhṛtirem tol ona do sernare hō tolge tahena ar jḥḥnak’ge dhṛtirem raṛae ona do sernare hō raṛage tahena” (Mt 16:19).

Sonot Patras do Probhu Jisu hotete marań aḍarie namkeda. Uniak aḍari do hoṭko samraoko do bań mekhan hoṭko sewako tḥhḥkana. Uniak aḍari do Atma bańcao reak kḥmi kana. Uniak aḍari do bhage gupiyikak kḥmi kana. Uni do kai ika reak marań aḍarie nameda. Noa do atma lahanti reak ḍahar kana.

Sonot Paulus hō maḥir salak, Bhage Sombate jaḥireṭkana. Uni do mone-jivi emkate, Isorak rajosti, dhṛtireye baṣaueṭkana.

5. PAȚIAU DO MĂYĂMTE UDUKLENA

Sonot Patras ar Sonot Paulus do, banarge Jisu nṭum jiwikin alaekeda. Banarge Jisu nṭum măyăm kin aṭukeda jemon gadel hoṭko talare paṭiau reak cas do hara-buruk. Miṭ hoṭ do kurus ocoḥlana ar miṭ hoṭ do hoṭokko geṭ begarletṭaea. Unkin do jion mucaḥ dhābič, Bhage Sombat kin jaḥirḥkeda. Unkinak paṭiau do- abo sanamko laḡit marań namuna kana. Unkinak paṭiau do ona rehet kana- oka hotete, unkin do gujuk hō baḥin paclena. Noa do sari dulṛ reak cinḥa kana! Noa do kajar paṭiau reak cinḥa kana. Jisu re paṭiau ańgoč do miṭ din reak katha do ban kana menkhan dinam din reak katha kana, jion mucaṭ dhābič doho reak katha kana.

MUCAŢ KATHA:

Dulaŕia Go-Baba, boeha-miserako; Jisu Krist do, noageye lai abon kana je uni do abo ko hotete hõ, marañ kãmie purau ðareyaka. Isorak pontha do ađige haharagea. Uni hoho anjom lekhan ar Uniak Katha leka senak khan, haharakoak hõ, aboak tite purauka. Dela, aboak paťiaubon kajakma ar rikiť mon salak, unkin leka Bhage Sombat bon pasnaoma.

Nehor Koe

Kristre dulaŕia Go-Baba, boeha-miserako, tehen do Sonot Patras ar Sonot Paulusak porob dinre, unkinak rikiť mon ar Bhage Sombar porcar reak aas do sarbharaoteleme. Nukinak porob dinrele aguyetkan koeko anjomtaleme. Dela aboak jarurakko, Probhu then bon koema. **Aboak roť ruar do:**

E dulaŕte perećakan Probhu, aleak koeko luturatalem!

E dulaŕia Jisu, ale do aleren Girjaren Gukipic, Dhorom Papa Liyo mit gel ponit lagit'le nehorokkana, dayatamte, amak bhor dan te perećkaeme jemon uni Sonot Patras ar Sonot Paulus leka Bhage Sombat pasnao do mone-jiwi lagao kateye purau ar Girja do sonot ðaharre laha calak. Noa lagit' debon koema.

E dulaŕte perećakan Probhu, aleak koeko luturatalem!

E dulaŕia Jisu, ale do ale dhorom subaren ayuic aleren Bishop Baba- ar dhorom suba reak baisi ar mission dinda reak baisiko lagit'le nehorokkana, amak sahai unko sanamre jhalakaome jemon uni sanam isai boeha-misera ko talare suluke aguete sanamko do dulaŕeko hara-burukma. Noa lagit' debon koema.

E dulaŕte perećakan Probhu, aleak koeko luturatalem!

E dulaŕia Jisu, ale do Isai go- Baba, boeha – miserako lagit koeyetkana, unko sanam do amak bhor dante perećkome jemon atu-tolare akoak bhage cal-colon, bhage bebbhar hotete, bhage namunako hatin ar bhage somajko teńgo tarhao. Noa lagit' debon koema.

E dulaŕte perećakan Probhu, aleak koeko luturatalem!

E dulaŕia Jisu, ale do sanam dhorom porcar missionaryko lagit'le nehorokkana, unko do Sonot Atmawak bhor dante bohelkome jemon mone-jiwi em kate Bhage Sombatko jahir ar sanamko do marsal ðaharko nel nam. Noa lagit' debon koema.

E dulaŕte perećakan Probhu, aleak koeko luturatalem!

E dulaŕia Jisu, ale do bapla tonolre tol mitakan juri-pari lagit'le koeyetkana, unko cetanre bhor dan jarieme jemon juri-pari talare sari dulaŕ, ika-ipika, goro-gopro jaoge taken ar gharonj do Isorak sahai umulre jaoge hara-buruk. Noa lagit' debon koema.

E dulaŕte perećakan Probhu, aleak koeko luturatalem!

E dulaŕia Jisu, ale do disomren sanam ayurko lagit'le nehorokkana, disom ayurko do Amak bhor dante de ayurkome jemon unko joto do mit jhomokte, dhartire sari suluk lagitko kurumutue ar noa dharti do mittan abo taken reak soros orakko benao rakapma. Noa lagit' debon koema.

E dulaŕte perećakan Probhu, aleak koeko luturatalem!

E dulaŕia Jisu, ale do unko sanam juan kora-kuriko lagit'le koeyetkana, unko sanamko Amak janga thenle aguyetkoa jemon unko sanam do dharti reak rij-ron bagi kate, Isorre jion reak maneko bujhau. Noa lagit' debon koema.

E dulaŕte perećakan Probhu, aleak koeko luturatalem!

E dulařia Jisu, ale nonde hařir menaķko sanam isaı boeha-miserako lařit'le koeyet'kana dayatante amaķ bhor dan de řařialeme jemon aleko hõ unkin leka pařiaure kajakle tãhẽn ar bhage goha em đareak. Noa lařit' debon koema.

E dulařte perećakan Probhu, aleaķ koeko luturatalem!

Aayurić: E Probhu Jisu, Am do Girjare lařit' bhage ar rikiř monean preritkinem ematlea, ona iatele sarhaoetmea. Unkin do Girjaren khũntim benaoketkina. Unkinak porob dinre, unkin leka hoyok reak sařai de emalem jemon Bhage Sombar porcarren sařařle hoyok. Ařařakař arojko do de aňjomme ar serma seć ayurlem. Ini aleren Probhu Krist hotete. **Amen.**

Fr. Nicholas Besra SDB

